



Inatsisartuni ilaasortaq Pele Broberg, Partii Naleraq
/maani

**Kiffartuussinermut isumaqatigiissutit pillugit § 37 naapertorlugu
apeqquteqaammut 2019-077-imut akissut**

12-02-2019
Sulliaq nr.: 2019 - 3084
Id nr. 37966398

Asasara Pele Broberg

Inatsisartut suleriaasianni § 37 naapertorlugu kiffartuussinermut isumaqatigiissutit pillugit Naalakkersuisumut apeqquteqarputit. Apeqqutitit uannut akissassanngorlugit ingerlatinneqarput, apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

**1. Upernaviup eqqaani sullissinissamik isumaqatigiissummi qulimiguulimmik
inuttaqarniarneq ajornartorsiutaava?**

Akissut: Naagga. Kisiannili Danmarkimi Trafik-, Bygge- og Boligstyrelsen-ip sullissisumut sullissinermi piumasaqaatinik arlalinnik sukaterivoq, ilaatigut taartumi timmisartuussisarneq eqqarsaatigalugu. Sukaterineq ilaatigut piffissap timmisartuussiviusinnaasup sivikillineranik kinguneqarpoq. Tamatuma kingunerisaanik qaammatini taarnerpaaffiusuni piffissaq eqqorlugu timmisartuussisoqarsinnaatinagu sullissisup taamaatitsinernik/kinguaattoorutitik angumersiniarluni timmisartuussisinaaneranut periarfissai ajornerulerput, angallannermut pilersaarutit piffissap timmisartuussiviusinnaasup sivikillineranit eqqoruneqartarmata.

**2. Ingerlatsinermi atortut imaluunniit inuttat pissutaallutik qulimiguulimmik
ingerlatsiniarneq innuttaasunik piffinni aalajangersimasuni
sullissinissamik isumaqatigiissutit iluani ajornartorsiutaava?**

Akissut: Naalakkersuisut angallannermi sullissinerit qanittumik malinnaaffigaat, aammalu angallannermi pissutsit pillugit sullissisut tamaasa ingerlaavartumik oqaloqatigalugit. Ataatsimut isigalugu sullissisut kiffartuussinermut isumaqatigiissutitini pisussaaffimminnik naammassinnittartut Naalakkersuisut naliliipput.

**3. Naalakkersuisut eqqarsaatersuuteqarnerlutik tungaviusumik
sullissinissamik isumaqatigiissutit attatiinnarnissaanut annertuumik
ajornartorsiortoqarnerani isiginnaartuinnaassanerlutik?**

Akissut: Naalakkersuisut sullissisut tamaasa aaqqiinissaq siunertaralugu ingerlaavartumik attaveqarfigaat. Ataatsimut isigalugu Naalakkersuisut naliliipput, sullissisut pisussaaffimminnik isumaqatigiissutaasimasunik naammassinnittartut. Taamatuttaaq Naalakkersuisut isumaqarput, sullissisut kukkunernik amigaatinillu ilisimalikkaminnik aaqqiinartartut.

4. Naalackersuisut suut suliniutit pilersaarutigaat piffinni aalajangersimasuni sullissinissamik isumaqatigiissutip pitsanngoriaatissaanik?

Akissut: Angallassinermit pitsannguiffiusinnaasunik ujartuinissaq siunertaralugu Naalackersuisuniit sullissisut ingerlaavartumik attaveqarfigineqartarput.

5. Takornariaagaaluarpat imaluunniit innuttaasuuppat qaqugu angalasut tunngaviusumik angallanneqarnerat ataannaavissumik ingerlanneqalerumaarpa?

Akissut: Naalackersuisut sinaakkusiussat, Inatsisartunit aalajangersarneqartut iluanni sulisarput. Kiffartuussinermut isumaqatigiissutit isumaqatigiissutigineqarnerini bilitsinut taartissanut, ineqartitaanermut nerisaqartitaanermullu aqqqissuussinerit taamaallaat nunatsinni innuttaasunut atuutsinneqarnissaat naalackersuinikkut kissaatigineqarsimavoq. Takornariat tikeraallu allat, aammalu innuttaasut Kalaallit Nunaata avataani najugaqartut angalanermut sillimmasiissutinik, kinguaattoornernut il.il. matussutaasinnaasunik sillimmasiinissamut periarfissaqarput, taakkulu aamma nunani tamalaani periaatsinut atorineqartunut assingusuupput.

6. 2019-imi aningaasartuutigiumarneqartussat qanoq annertutiginissaat ilimagaat toqqaannartumik imaluunniit toqqaannaangikkaluamik sullissinissamut isumaqatigiissut eqqarsaatigalugu?

Akissut: Kontomi pingaarnermi 72.20.05 Ilaasunik angallassinermit tapiissutit, kiffartuussinermut isumaqatigiissutinut 153,75 mio. koruunit immikkoortinneqarsimapput. Taakkununga sikunik alapernaarsuinermit aningaasaliissutit 1,5 mio. koruunit aamma Arctic Umiq Line atorlugu sinersorluni ilaasunik angallassinermit aningaasaliissutit 7,5 mio. koruunit ilaatinneqarput.

Taakku saniatigut Inatsisartut 2018-imut Aningaasanut Inatsimmut akuersinerisigut kiffartuussinermi isumaqatigiissutinik pitsannguinnissamut ukiumut 8 mio. koruunit immikkoortinneqarput. Taakku pitsannguinnissamut suliniutit paasineqartarneri, akuerineqartarneri isumaqatigiissutigineqartarnerilu malillugit atugassanngortinneqartarput.

7. Naalackersuisumiik iluarineqarnerluni sapaatip akunnikkaartumik innuttasut kiffartuussinissamik isumaqatigiissummi allaqqasumi ukiunilu marlunni atuuttussami innuttaasut ilisimanaguluunniit ilumut sapaatip akunneranut marloriarluni angallanneqartarsinnaanissartik? Naalackersuisup kissaatigisimavaa oqaatigalugulu pissutsit piviusut aallaavigalugit iluarsiiisoqassasoq, tamakku ilisimaneqariissannginnamik ukiuni qulikkaani kiffartuussinissamik isumaqatigiissutit sananeqartarmata?

Akissut: Kiffartuussinermut isumaqatigiissutit kingunerisaannik angalanissamut pilersaarutini akuerisani ornigassat tamarmik minnerpaamik sapaatip akunneranut ataasiarlutik tikinneqartarnissaat qulakkeerneqarpoq. Kisiannili sila teknikkilu angalanissamut pilersaarutinik eqquisarput. Tamanna pigaangat ornigassat ataasiakkaat pilertornerpaamik orninneqartarnissaat sullissisut isumagisussaavaat.

8. Naalackersuisup qanoq naatsorsuutigaa kiffartuussinissamik isumaqatigiissutip atorunnaarsinneqassagaluarpat tamanna

aningaasanngorlugu naleqassanersoq, tassunga ilanngullugit immikkut isumaqatigiissummik atorunnaarsitsineq. Uani piffissaq atorunnaarsitsinissamut tunngasoq eqqarsaatigalugu ukiup affaata ingerlanerani atorunnaarsitsisoqassagaluarpat.

Akissut: Kiffartuussinermut isumaqatigiissutit illuatungeriinnit atorunnaarsinneqarsinnaanngillat. Isumaqatigiissutit malillugit Namminersorlutik Oqartussat pisussaaffitik sumiginnassagaluarpatigit, tamanna sullissisuniit tunngavissalimmik taarsiiffigineqarnissamik piumasaqaateqarnermik kinguneqarsinnaasoq naliliisoqarpoq. Tamanna suliakkiissuteqarnermik eqqartuussivilersuussinermillu kinguneqassasoq ilimananarluinnarpoq, taamaattumillu aningaasartassaata naatsorsorneqarsinnaanngillat.

Isumaqatigiissummut tapiliussat atorunnaarsinneqarsinnaapput imaluunniit piffissamut sivikitsumut killiligaallutik. Tamanna isumaqatigiissutinut tapiliussanut ataasiakkaanut piumasaqaatit malillugit isumaqatigiissutinut tapiliussanik atorunnaarsitsinermi aningaasartuuteqarnermik kinguneqassanngilaq.

9. Kiffartuussinissami isumaqatigiissummi attuumassuteqartut suuppat toqqaannartumik aamma toqqaannanngitsumik aningaasartuutitut inissimasut soorlu allat aqqudit atorlugit Mittarfeqarfiit-niit isumagineqartartut?

Akissut: Kiffartuussinermut isumaqatigiissutini Mittarfeqarfinnut aningaasartuuteqartoqarneq ajorpoq. Akerlianik kiffartuussinermut isumaqatigiissuteqarfiusuni sullissisut akinut akiliisarnermullu malittarisassat sukkulluunniit atuuttut naapertorlugit mittarfinnut umiarsualivinnullu akitsuutini akiliisarput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Karl Frederik Danielsen